

ARREST

Notable du Conseil
d'Estat du Roy, por-
tant reglement pour
le faict des Tailles.



A P A R I S,

M. DC. XXVI.

Case
F

3.9

326

1626 fnc

THE NEWBERRY
LIBRARY



ARREST NOTABLE DV
*Conseil d'Estat du Roy, portant Regle-
ment pour le faict des Tailles.*

EN T R E les Manans & habi-
tans de la ville de Clamecy,
demandeurs & requerans l'en-
therinement d'une Requeste,
du seiziesme Januier mil cinq
cens vingt-cinq, tendante afin que sans
auoir égard au procez verbal du sieur Fleu-
reteau, Tresorier de Erance à Orleans, l'in-
formation par luy faicte, & aduis des Tre-
soriers de France audit lieu, & l'Arrest du
Conseil du 25. Septembre 1624. Que con-
formément aux Lettres du 28. Novembre
1618. ladite ville de Clamecy sera modérée
à la somme de huit cens liures seulement
pour la Taille ordinaire, & autres creuës à
l'equipolent d'une part. Et les Manans &
habitans de la ville & parroisse de Verzy
deffendeurs, & demandeurs en faulx con-
tre le procez verbal de Maistre Estienne

Ragon Esleu audit Clamecy, du 22. Octobre 1623. Et la minute de la procédure du sieur David Conseiller, & Maistre des Requestes, Commissaire député pour l'exécution de l'Arrest du seiziesme Ianuier mil six cens vingt-cinq d'une part. Et lesdits Manans & habitans de Clamecy deffendeurs & demandeurs en faux contre le procez dudit Fleureteau, & informations du vingt-deuxiesme Aoust 1624. d'une part, & lesdits Manans & habitans de ladite ville & parroisse de Varzy deffendeurs d'autre. V E U P A R L E R O Y E N S O N C O N S E I L ladite Requête, lesdits acte d'inscription en faux, des vingt-neufiesme Novembre mil six cens vingt-quatre, vingt-troisiesme Mars, & quinziesme Iuin mil six cens vingt-six & vingt sixiesme Aoust mil six cens vingt-cinq, moyens de faux fournis par lesdits habitans de Varzy, & responses à iceux, Actes contenant les declarations du Bernard, Charles Iean Duuau, & Estienne Aubry, Guillaume Barry & autres, des 19. Febvrier 2. & 19. Avril audit an, Declaration des Escheuins de Gien, Cosne, Douzy, Hubert de Laborde, Pierre le Bault, & Esleuz de Clamecy des 16. 17. & 19. Novembre 1624. 16. & 24. Fevrier

mil cinq cens vingt-cinq. Autre déclaration des Escheuins de Cosne, du dixiesme Septembre mil six cens vingt-cinq: actes assemblée d'assemblée desdits habitans de Verzy, contenant pouuoir de former ladi-inscription en faulx, du vnziesme Iuillet audit an, Appoinctement du Commissaire député contenans l'adionction desdites inscriptions en faulx au procez principal d'entre lesdites parties, des troisieme Mars & vingt-vniesme Avril mil six cens vingt-six, lesdites lettres dudit vingt-huietiesme Nouembre mil six cens dix-huiet, par lesquelles est ordonné que ladite ville, faulxbourgs & parroisse de Clamecy, ne portera que huit cens liures de la Taille ordinaire: procez verbal dudit Fleureteau, Commissaire député pour l'execution de l'Arrest du vingt-sixiesme Iuin mil six cens vingt-quatre, du vingt-troisieme Aoust audit an, informations par luy faictes, du vingt-huietiesme desdits mois & an. aduis desdits Tre-soriers de France, du quatrieme Septembre audit an, ledit Arrest du Conseil du 25. desdits mois & an, par lequel sans auoir esgard à la Requeste desdits habitans de Clamecy, & conformément audit aduis est ordonné que lesdites villes de Clamecy &

Varzy seront à l'aduenir esgalement taxées & cottisées tant pour le principal de la Taille que des creuës extraordinaires, & qu'en l'annee 1625. ladite ville de Clamecy sera taxee à la somme de quatorze cens trente liures de la Taille ordinaire au lieu desdicts huit cens liures, avec deffences aux Esleus dudit Clamecy de surtaxer à l'aduenir ladite ville de Varzy, sinon conformément audit Arrest; Lettres d'atches desdits Tresoriers de Frâce, du vingcinquiesme Octobre audit an : Autre Arrest dudit conseil du seiziesme Ianuier mil six cens vingt-cinq, par lequel est ordonné que lesdicts habitans de Varzy appelez, il sera de nouueau informé tant par tesmoings, dont les parties conuienderont que autres qui serōt nommez d'office de ce que ladite ville doit porter du principal de la Taille à proportion de celle de Clamecy, & pour se faire que le sieur Dauy, Conseiller & Maistre des Requestes de sa Majesté, se transportera esdictes villes, en celle de Gien, Vezolay & autres circonuifines que besoing sera. Que les parties respectiuement pourront articuler leurs faits; Faire leur enqueste sur iceux; Faire représenter pardeuant ledit Cōmissaire les antiës roolles departemens des Tailles pource fait

& rapporté estre fait droict aux parties ainfi que de raison, & cependant que ledit Arrest dudit vingt-cinquième Septembre sera executé, faits respectiuelement articulez par lesdictes parties: enquestes faiçtes sur iceux par lesdits Commissaires des seize & vingt-iesme Iuing mil six cens vingt-cinq: Autre enqueste faiçte d'office par ledict Commissaire du troisième desdits mois & an; Reproches respectiuemēt fournis par lesdictes parties, contre les tesmoings ouys esdictes enquestes, procez verbal dudit Commissaire, contenant la nomination faiçtes par lesdictes parties d'experts & preud'hommes pour visiter le territoire & s'informer des facultez des habitans desdites parroisses, & faire arpenter les bois, prez & vignes. Et recognoissance par lesdits habitans de Varzy d'aucuns faiçts & mentionnez en ladicte requête dudit seiziesme Ianuier, du vingt-troisième de May, iusqu'au troisième Aoust audit an mil six cens vingt-cinq. Proces verbal du rapport desdicts experts & preud'hommes, du vnzième Iuillet audit an. Extraict de l'estat des departements des Tailles desdicts parroisses de Clamecy & Varzy, depuis l'année mil cinq cens soixāte & dix-huit iusques en l'année mil six cens

vingt-quatre. Autre Extraict que ladicte ville de Clamecy estoit cy-deuant Bailliage avec ressort, lequel est à present vny avec celuy de Niuernois. Autres Extraicts des departements des Tailles, faicts par les Esleus de Gien pour lesdictes villes de Clamecy, iusques en l'annee mil cinq cens soixante & seize: Roolles de la Taille imposee sur lesdits habitans de Varzy és annees 1550. 1551. 1555. 1570. 1609. 1624. 1625. Extraict des nouualleurs arriuez en ladicte parroisse de Varzy és annees 1615. 1616. 1622. Sentence desdits Esleuz de Clamecy, portant permission d'imposer sur lesdits habitans de Varzy lesdictes nouualleurs des vingt quatre 1618. sixiesme Mars 1623. Lettres du sieur Marechal de Montigny, commendant l'armee du Niuernois du sixiesme Mars 1617. ausdicts habitans de Varzy pour cōtribuer au pain de munition. Quittance du Commissaire des viures ausdits habitans de Varzy pour le pain, vin & auoirre, par eux fournis des six, sept & neufiesme desdits mois & an. Extraicts contenans la valeur des Greffe de Clamecy & Varzy, ensemble la ferme de la Courtepinte appartenant ausdicts habitans de Varzay, du quatriéme Octobre 1619. Proces verbaux des reglements des
Tailles

Tailles faictes par ledit sieur Dauy Commis-
 faire pour lesdictes parroisses de Clamecy,
 & Varzy dès sixiesme Iuin & premier Iuil-
 let mil six cens vingt-cinq. Extraict des re-
 gistre de l'ellection de Clamecy, conte-
 nant la declaration des habitans de Varzy
 pout raison des bois & vsages qu'ils posse-
 dent, ensemble deniers d'octroy, la Cour-
 tepinte & Maille du vingt-huictiesme Iuin
 1610. Autre procez verbal de la Glandee
 desdits bois à la somme de huit cens liures
 du 12, Septembre 1624. Contract d'achapt
 de 300 arpens de bois faits par lesdits habi-
 tans de Clamecy, du 13. Octobre mil cinq
 cens nonante neuf. Certificat du sieur Mar-
 quis de Ragny Lieutenant de sa Majesté au
 Duché de Niuernois, contenant la capitu-
 lation qui a esté faicte avec lesdits habitans
 de Clamecy, par ledit sieur Mareschal de
 Montigny, en l'année 1617. Information
 pour raison du pillage faict de ladite ville
 de Clamecy, au preiudice de ladite capitu-
 lation du deuxiesme Iuin 1617. Plusieurs
 Contracts de constitutions & obligations
 faictes par lesdits habitans de Clamecy,
 pour fournir aux payemens de ladite capi-
 tulation dès vingt-sixiesme Avril 1618. 15.
 Decembre 1621. vingt-huict & vingt-neuf.

iesme Ianuier 1622. quittances des arrerages desdites rentes cōstituées du treziesme Febvrier, dix-huictiesme & dix-neufiesme Avril, 1624. & vingt-vniesme Avril 1626. Arrest de la Cour des Aydes de Paris, du vingt-troisiesme Avril 1624. & vingt-vniesme de Mars 1525. Extraict des procez verbaux des criées faictes sur les biens d'aucuns desdits habitans de Clamecy, Arrest du Conseil du vingt-quatriesme Mars, mil six cens dix-huict, portant permission d'imposer la somme de trente mil liures, sur lesdits habitans de Clamecy. Autre Arrest dudit Conseil, du vingt-vniesme Avril mil six cens vingt-deux, contenant la confirmation desdites leuées; Requête desdits habitans de Clamecy, afin de faire remettre au Greffe du Conseil les minuttes du procez verbal, enquestes, rapports d'experts faicts pardeuant ledit sieur Dauy, dès vingt-huictiesme Febvrier, troiesme & seiziesme Mars mil six cens vingt-six, procez verbal de commandement, & assignation à la vefue dudit sieur Dauy, aux fins de la remise desdites pieces, du neufiesme Avril audit an. Autre procez verbal de la leuée du scellé des papiers dudit deffunct sieur Dauy, du premier Avril audit an, con-

tenant qu'entre lesdits papiers auroit esté trouué quatre cahiers de minutes, asçavoir celui du procez verbal dudit vingttroisième May, & l'Enqueste d'office signée dudit sieur Dauby, & pour le regard de la minute de l'Enqueste faicte à la requeste desdits habitans de Clamecy, & rapport desdits experts, signez des tesmoins & desdits experts & non dudit sieur Dauby, Requeste desdits habitans de Varzy, tendant afin de rejeçt de la procedure dudit sieur Dauby, comme deffectueuse, & dont les minutes ne se trouuent signées de luy, & ce faisant qu'avant que de proceder au Jugement dudit procez, il sera de nouveau enquis d'Office és villes circonvoisines des faits articulez par lesdites parties, & que lesdits habitans de Clamecy & Varzy, bailleront par declaration leurs biens immeubles à peine de confiscation du recelé, représenteront les Roolles des Tailles anciens & modernes de ladite ville de Clamecy, ensemble les baulx à ferme de leurs biens patrimoniaux & d'octroy, du dixiesme May mil six cens vingt-six, Requeste desdits habitans de Clamecy, du seiziesme May mil six cens vingt six, tendant afin que sans avoir esgard à l'inscription de faux des habitans de Var-

zy, du quinzième dudit mois, il soit passé outre au Jugement du procez, signification d'icelle ausdits habitans de Varzy, du seizième dudit mois, appoinctement en droit donnez par le Commissaire à ce député, des seize & vingt-vnième Juillet mil six cens vingt-cinq, & cinquiesme Fevrier mil six cens vingt-six, Escritures desdites parties, contredits & saluations respectiuelement par elles fournies, & tout ce que par icelles a esté mis & produit pardeuant le Commissaire à ce député, ouy son rapport & tout considéré. LE ROY EN SON CONSEIL, faisant droit sur le tout sans s'arrester ausdites inscriptions en faulx, procez verbal dudit Fleureteau, ledit Aduis & Arrest de son Conseil, du vingt-cinquiesme Septembre, a ordonné & ordonne que les sommes auxquelles serôt imposées lesdites villes de Clamecy & Verzy, seront en telle proportion l'une à l'autre, que celle de ladite Clamecy fera esgale aux deux tiers de celle de Varzy, à commencer en l'année prochaine. Faict sa Majesté deffences ausdits Esleuz de Clamecy d'exceder ladite proportion, ny contreuenir à icelle à peine d'en respondre en leurs propres noms, condamne lesdits habitans de Varzy aux despens. Faict au

Conseil d'Estat du Roy, tenu à Bloys, le
20. iour de Iuin 1626. Signé Bardeau, &
scellé aux armes du Roy.



Nous par la grace de Dieu,
Roy de France & de Nauarre.
A nos amez & feaux Conseil-
lers, Presidents, Tresoriers ge-
neraux de France, au Bureau
de nos Finances estably à Orleans, Salut.
Par l'Arrest dont l'Extraict est cy attaché,
sous le contre scel de nostre Chancellerie,
ce iourd'huy donné en nostre Conseil d'E-
stat, entre les Manans & habitans de nostre
ville de Clamecy, demandeurs & deffen-
deurs, & les Manans & habitans de la ville
de Varzy deffendeurs & demãdeurs. Nous
faisans droict sur tous les differents des par-
ties, & sans nous arrester aux inscriptions
en faulx, formées par les habitãs de Varzy,
procez verbal de nostre Amé & feal, Mai-
stre Fleureteau Tresorier de France audit
Bureau. A nostre Aduis du quatriesme Se-
ptembre mil six cens vingt-quatre, & Ar-
rest de nostre Conseil, du vingt-cinquiesme
dudit mois & an, ausquels ne voulons auoir
aucun esgard. Auons ordonné que lesdites

sommes auxquelles seront imposées lesdites villes de Clamecy & Varzy seront en telle proportion l'une à l'autre, que celle de ladite ville de Clamecy, sera esgale aux deux tiers de celle de Varzy, à commencer en l'année prochaine, A ces causes. Nous vous mandons & ordonnons, que du contenu en nostre dit Arrest, vous faciez iouir & vser plainement & paisiblement lesdits habitans de Clamecy, sans souffrir qu'il y seroit contreuenue en quelque sorte ou maniere que ce soit. Mandons & commãdons à nostre Huissier ou Sergent premier sur ce requis, qu'à la requeste desdits habitans de Clamecy, il signifie nostre dict Arrest ausdits Varzy, & aux Elleuz dudit Clamecy, à ce qu'il n'en pretende cause d'ignorance, faisant deffense de par nous ausdits Elleus de Clamecy d'exceder ladite proportion ny contreuenir à icelle, à peine d'en respondre en leurs propres noms, & de faire tous autres exploits requis & necessaire pour l'entiere execution de nostre dict Arrest, & des presentes te donnons pouuoir, sans pouuoir demander autre congé ne permission : car tel est nostre plaisir.

Donné à Blois le vingtiesme iour de Iuin,

l'an de grace mil six cens vingt-six, & de
nostre regne le dix septiesme. Signé par le
Roy en son Conseil, Bardeau. Et scellé
du grand Sceau de cire jaune.

Monfieur du Tillet, Maistre des
Requestes, Rapporteur.

*Collationné aux Originaux, par moy
Conseiller, & Secretaire du Roy &
de ses Finances.*

The following is a list of the
names of the persons who have
been elected to the office of
the President of the United States

George Washington
John Adams

Thomas Jefferson
James Madison
James Monroe
John Quincy Adams